

地 245.13
42
部 17

杭 縣 志 稿

第十七册

市 仲 廷 題



明黃鶴山重建永慶寺記 萬曆中錢謙益撰



杭州府治之東北六十里有山曰黃鶴高百餘丈與
皋亭山離立而俗呼為皋亭之黃鶴峰以兩山皆從
天目蛭螭東來嶧而非屬故也山之陰有佛日寺宗
明教嵩禪師卓錫之所安隱一濂慎公謀於祭酒馮
公夢禎圖興復之不果乃得永慶寺故址於山之陽
永慶寺者唐清泰二年創自吳越名湧泉院宋建炎
中重建賜令額其後以元兵毀而慎公行求得之遂
以興復為己任里人郎珮鄭鶴買地構禪堂五間僧

杭縣志稿

卷二十二

一一八

如良廣德廣武等袞衣蓋之美建佛殿五間而真寂
院間谷印公以雲棲大弟子激揚別傳之指慎公敦
請蒞焉不起於座而道風演迤緇素全集慎公厭世
而去其徒遵遺命以院為十方不用甲乙次相授請
一江湘公主之而大麓等力為攸助於是彌勒前殿
兩廡僧寮次第告成印公與慧文製公相繼經畫寺
之軌範始定禪堂以棲衆縛禪佛殿以結侶念佛限
以崇墉繚以修廊佛聲浩浩則樂邦湧現禪版蕭然
列祖燈輝映雖五山十刹號選佛之場者其清嚴精
進未有逾此者也王子宇春與諸上人共襄斯舉歸



而述其意徵余文以記之嗟乎禪與淨土開遮歷然
唯以一事攷諸近代楚石禪門尊宿也而有西齋淨
土之詠雲棲念佛導師也而有闡闡策進之編未嘗
不水乳相合也世之學者妄生分別或相為門諍或
曲為調人悵悵然莫知所適從久矣印公有憂之既
唱單提之宗而復頭雙修之範以其締構言之前殿
後堂規矩重疊出自一門示門庭之不可離而一也
周垣夾廊鐘魚交互邀不相及示旅途之不可混而
一也借事以顯理因權而著實亦可謂深切著明也
矣寺之事甫竣印公飄然遠去使人想見其高風于

杭縣志稿

卷

二十二

一九

屬山湧泉之間而濂公湘公宿德歸然後先担荷者
皆末法中所希有者余故樂為之記詳其興復之因
庶來者得以攷焉若夫印公輩行願機緣默相感召
盡未來際必有龍泉蹴踏相繼為人天眼目者固不
係乎樓閣之成壞而亦非區區締文字可得而記也
寺今名龍居庵亦曰永慶禪院予從其舊稱永慶寺
云

明大蘇林碑記

西溪梵隱志吳本泰撰
崇禎九年

出武林北郭外帶水演迤一葦可航折而西入古蕩
為西谿谿環列秦亭法華諸山其蒹葭深處陂池滙

流叢薄翳映者為河渚渚無名藍巨剎禪棲三五似
龜巢蓮葉其最幽邃蔚秀者為大蘇林大蘇林者法
雨禪師手斲草庵也予棲寓河渚支筇訪道始識師
於林間師幼習儒典響慕空宗二十四父疾籲禱誓
修白業以畢幼報偶之龍歸塢見師誦蓮經其一為
日初上座遂投禮決志出家哀控母氏三辭而後許
遂往參南海大智師難髮還雲棲受沙彌戒得古趙
山寺基斥土鳩工躬自拮据不辭營勞賴季弟昭及
法嗣含虛殫厥資力襄之落成瘦梅老竹扶疏四布
中堂供昆盧尊像後奉安養導師左小閣供地藏併

杭縣志稿

卷二十三

一〇

法俗諸冥位下即香積齋堂右靜室西南石甃鐘乳
泉一泓甘冽直面懺堂右一小室祠本宗先人西為
普同塔塔北可數十丈為母塋有終身廬墓意又東
南小樓為參閱之所其入徑編籬曲折繚以花闌龕
奉天醫緣師寇傷時感神祐也而大蘇林石菟苑劉
大參錫玄所題蓋以南嶽慧思擬師云師土木形骸
蝸居寂默化導之廣遠遜南嶽然其精心苦行彷彿
似之嶽奉三聚戒布袍艾袖日唯一食師亦持律霜
嚴服用麤樸齋不過午嶽誦法華等經滿千遍修般
若念佛三昧方等懺法師亦日誦大乘諸典六時懺

禮大悲。嶽障緣病起。深悟業因。顛倒想滅。輕安如故。師亦病創。感神警悟。得瘥。嶽以夏滿未證。深懷慚愧。放身倚壁。豁爾開悟。師亦閉關。結制痛自錐劄。佛光灌頂。證得三昧。於是叢林稱曰法雨師。今之思大和尚也。和尚初住大蘇林。旋移錫衡陽。闡化曰。吾寄此山。必事遠游。師則裹足雲臥者垂五十年。直以此為常住阿蘭若矣。考志。庵址故吳越王將臺。噫嘻。昔也。貔貅千隊。今也。香燈一龕。昔也。鉦鼓旌旗。今也。鐘魚瓢錫焉。知此後不更為戰鬥之場。歌舞之苑乎。不更為狐狼蛇虺之所窟宅。露葵野葛之所縈蔓乎。廢興

杭縣志稿

卷二十二

一三一

穀轉成壞。刹那師一切作幻泡觀。又何介介於一菴也。乃大禪嗣法得智者大師。炳然台宗。遂弘傳震旦。師不蓄徒眾。含虛尋亦化去。祇度猶子九牧。九牧曾參有德大師。博通教乘。辯才穎發。鷲王擇乳。師子嘖呻。自茲燈傳不斷。師胤具大昌乎。大蘇永永與南嶽並峙已。師郡中劉氏子。諱海雲。法雨其字。父庭。母廖弟昭。法名智琳。弟之子成鼎。即九牧菴經始於天啟五年秋七月。竣工於崇禎九年冬十一月。

明佛日寺金臺大師記 唐世濟撰

吾湖法社不一。而夾山則湖之廬山也。山以水名山。

水以精藍名。在精藍者蓋代有人也。余與表益大司寇沈公何山得金師以繼石檝。兩俱雲棲嗣也。金師幼而敏穎。嘗讀堂譚道。尋繹微言。往與禪觀通。因決志禪學。一切世緣棄去。從蓮池游。教典悉曉暢。言下迎刃。不啻灑陽一笑。以故蓮池最器之。其後雖負笈從紹覺。然其名視覺道上。學人嘗稱一兆夢於雲棲。再兆夢於蓮居。固月亭之後身也。迨夾山稍稍竟業。過皋亭山。佛日為之止錫。曰有是哉。沃蕩迴薄。當大千而具乎。佛日舊為錢塘勝刹。自唐本空以宿悟得雲居。實為開山之祖。厥後傳有燈明。教天衣十餘人。杭縣志稿 卷二十二 一二二

相繼而興。尋亦中落。金師以道緣振起一時。輝奕為諸方望。固不自居也。以願力還願力。以因緣還因緣。以法還法。以山還山。老人何有哉。既為佛日昌大。聞鷲峰頂養廢。大開講壇於江左。瓢笠而前。悉得雲棲之傳。所垂句語。授答曰。有者皆有。無者皆無。迄今為學人指點。以至海塘拆毀。三郡受災。為之持願而止。狂瀾蓋願滿於持。其間徇肌膚者不端。固人定勝天也。又不自居也。甚而江淮猛獸。北土豚雞。竊以焉知。日無海鷗。何有山君為民害乎。爰間屏迹北渡。山之民以道法師攝伏。夷然謝之。又不自居。為皦為昧。兩

不自居。余蓋審金師之持者。願也。故所至藤蒲花水。俱清涼境界。或以願滿為畸觀。人天莊嚴。有不可思議。不知其唯吾願也。絕不使人天界中作畸觀也。余與沈表蓋夾山緣起如此。猶夫山水以精藍名也。山水何心哉。賜進士第。資德大夫。正治上卿。都察院掌院事。左都御史。兵部左侍郎。巡撫南贛提督軍務。右僉都御史。大理寺左寺丞。巡撫淮陽漕運。理河巡視京營。掌河南道監察御史。經筵侍臣。唐世濟撰。

張大昌曰。金臺名大輪。本儒家子。見順治十三年

河北張縉彥所撰金臺大師銘石刻。惟所云海塘

杭縣志稿

卷二十二

一三三

坵而三郡災。山君橫而居民逋。金臺以精誠裡格之一試而感。再試而效。其事今已湮沒無聞。知者歎矣。

清秋雪菴碑記 在留下

順治三年吳本泰撰

余甲戌釋褐南還。訪蓋靈壽道宗智一禪師。師托迹應緣。緬懷棲逸。別赴檀那。請結茅於西溪蒹葭深處。余溯游從之。瀦水廣瀆。枝流漂折。蒹葭弥望。秋時曳素百頃。皚如積雪。陳眉公先生取唐人秋雪濛釣船之句。顏其菴曰秋雪。余徘徊翔立。宛在水中央。遂有絕塵遐寄之想。會菴中修四明懺法。題額曰圓修堂。

信宿而別。嗣跋歷京師十許年。猶時入夢中。午未之
歲。師荷笠北參臺山。訪余邸舍。班坐茗話云。秋雪已
稍稍增。葺蔚成叢林矣。刪蕪填坎。植樹偃流。構櫺庀
材。陶甃繕完。前龕普門。中懺堂。左右為齋廡。為賓寮。
庖福具備。上為樓。貯方冊藏經。傍列普度親位。董宗
伯榜曰。彈指樓。開四圍圍以蔬茹。樊以蒼藟。梵唄鐘
魚。響出林杪。見聞隨喜者。咸曰。此古資壽巖禪師刹。
不圖今日。威儀重觀也。語次。余飄然神往。比余踉蹌
歸自白門。復棹小舫。問渡菴中。方禮圓通懺師。迎面
喜曰。公今日再登圓修堂。恍如昨夢矣。余放杖小參。

杭縣志稿

卷二十二

一二四

己乃徜徉四眺。時蒹葭方茁。白露未霜。湖水澄漲。彌
增浩淼之致。師為余言。此清冷池。已舉錢大史隨社
月集放生。活魚蛤亡算。余為繫款太息。今茲陽九。蓮
災真旦。罹厄。兵燹匝地。荆棘橫生。蘊隆燼燼。所在焦
灼。而此庵在水一方。萬山環嶂。百川匯壑。熱惱劫中。
獨留此清涼國界。且阿師道風蔚跂。緇素皈依。法筵
社集。莊嚴具足。以余所觀。澄清者。即八功德水。紛粲
者。即天曼陀羅。軒峙者。即寶網樓閣。疏列者。即欄楯
行厨。游泳者。即兜率十千。翔鳴者。即迦陵共命。繩牀
錫鉢。宴坐經行者。即阿鞞跋致。諸上善人。輪蹄無聲。

烽火不驚。寂光清泰。宛爾現前。今余得卜築一椽。咫尺過從。將皆素心蓮侶。修廬山般若臺故事。嗣興流水天台諸度生法。何難屣脫塵埃。師合十言。願居士無忘斯盟。蓋記諸按咸淳志。宋潼軍節度使。為巖禪建文室於西溪。曰資壽院。茲其故址云。第廢垂四百年。檀信沈應科。應潮。嗣有倫。有德。沈鶴齡等。開難經始。施為僧園。於是道宗一師。澄之。洪師。遂挂錫焉。相與節衣縮食。拮据茨塹。載離寒暑。克成精藍矣。約糜中金五伯有奇。鋒資檀施半之。其執勞營役。以竣厥功者。法胤。梵圖。成璧也。遠近趨風者。皆樂稱道宗。

杭縣志稿

卷二十二

一二五

秋雪主人。故秋雪菴名。獨著。余諾師請。遂記其事。勒之堅石。時歲在丙戌孟秋既望。

清溥濟禪院碑記

唐棲志即三元宮。康熙二十三年。周之麟撰。張聖濟書。任辰旦篆額。

吳越為江南福地。方錢武肅時。永明壽禪師。專弘淨土法門。兼行放生。著宗鏡錄。表勝一時。今七八百年。餘風猶在。於棲水溥濟禪院。猶及見之。棲水屬武林西北偏。與苕霅兩區接壤。烟火萬家。勤稼穡。習詩書。富民頗善居積。而浮圖梵刹。鐘磬相聞。不失康僧始來。赤烏遺意。溥濟其最勝者也。先時故明。天啟間。然明上人。繇福田寺。飛錫此庵。實為經始。歌咏梵唄。嚴

淨毘尼士女嚮風群善歸往。繼有上首德宏善述淨業。再傳為澈宗用宗兩禪宿。自敦行六度外。兼通口誥。比諸僧祐之普通。道宣之表龍朔。每歲時放生。則游魚潛藻。飛鳥翔空。庶幾萬物一體之盛。六時連漏。接踵高賢。開菡萏于中流。見瓊珂之寶樹。聞者趨之。余嘗閱梵典。知歷劫以來。佛道長遠。彌陀為君。釋迦為臣。彌陀為父。釋迦為子。是以能御世尊。尚西方。用度迷津。往生淨域。此方世界。歷成佳壤。空從人壽八萬四千歲。始為一劫。於彼極樂國中。纔一晝夜。淨土之妙。何如者哉。如來往昔名流水長者子放生。故俾

杭縣志稿

卷二十二

二六

游魚十千。盡得成佛。樂音樹下。金口親宣。修福放生。言重辭複。顏真卿行化於唐。蘇子瞻繼美於宋。職有繇耳。溥濟數畝之宮。莊嚴像設。言淨土則不愧遠公。言放生則居然智者。魚魚雅雅。優哉游哉。三代禮樂。何以踰此。迦維創教。厥有遺文。云法行震旦者。以二千年為準。竊恐後之視今。未如今之視昔。願從此日。盡未來。繼任此庵者。以竹林清舍為道場。依具羅樹為草座。群羊跪聽。斥鷃來巢。把臂宗雷。相逢陶謝。庶不負澈宗用宗兩禪宿者。畢生構建也。地若干畝。某字某號。池塘若干畝。某字某號。檀越某人。例應並載。

以傳後來不揣固陋謹述大畧樹茲豐碑記茲勝事
康熙二十三年甲子春王正月吉旦賜進士出身通
議大夫詹事府少詹事兼翰林院侍講學士加一級
前翰林院侍讀學士侍講學士纂修實錄侍讀侍講
乙卯順天武闈正主考國子監司業庚戌纂修玉牒
孝經衍義國史編修辛丑會試同考官翰林院庶吉
士湘溪周之麟拜撰賜進士出身文林郎工科給事
中甲子奉命典試湖廣正主考前江南上海縣知縣
本省同考湘溪任辰旦篆額里人因勉學者張聖濟
謹書

杭縣志稿

卷二十二

一二七

明重修奉真觀記

唐樓志萬曆九年卓明卿撰
胡心得書沈修篆額

夫馮依有道乎神馮石而能言龍馮雲而變化白鶴
太乙馮華遶摩慧可馮嵩岱顛則碧霞元君馮也得
其馮而神斯神人神之不神能自神哉若尔神之馮
亦大矣北極佑聖真君厥靈固彰赫尔我成祖太宗
文皇帝躬禹儉而佑玄玄則有武當之宮世宗肅皇
帝繼志修禋左宮于白岳茅山輝煌金碧宇宙映照
為崇奉所神惟保障寰瀛奔走焚祝咸神是馮亦勢
也唐樓為杭之巨鎮山自天目逶迤而皋亭黃鶴水
滌苕源澹紆汪匯而五林樓溪鎮南陸舊有奉真道

院國初天師張某過而題曰顯教院蓋年久就圯弘
治中父老丁益澤余王大父澄道士施孟暹輩謀舍
廢而起謂神居去前溪稍遠面陽弗燥淪塵弗潔瞻
禮周恢度將易置焉以費繁中輟比道士許日清真
人府知事俞大彰甥也玄修于斯有年復從二三父
老議申之分署別駕王公割院餘地易緡於徐氏鼎
新之佐厥成者咸至傾囊指囷庀材鳩工凡三月竣
事蓋曰請率徒躬畚築殫精力落成迺速王樞寘前
玉虛奠後繚垣翼廡地既寂闌宇復麗夾闌闡誼隔
溪山秀挹神其得所馮依云夫玄冥為八天增彩而

杭縣志稿

卷二十二

一三八

玄符宣靈囊藥潛施而三師績著覩將轟雲中飄真
香下界彰赫爾矣矧祝融燬虛旱魃為殃罔不精白
首裡心齋露禱反風興雲格應一鎮莊嚴萬戶虔祝
者哉闕五襍俶克樹碑父老請余庸紀歲月萬曆九
年三月望光祿寺監事卓明卿謹著

唐贈禮部尚書褚公神道碑 乾隆府志蘇頲撰

昔軒轅至孔丘師止十一名之聖者今天下尊皇帝
學踰三五教之神者既學且師考令猶昔臨道從事
伊褚公焉公諱無量字弘度其先邑河南之陽翟十
一代祖盛後漢海鹽長子孫因居遂為吳郡海鹽人

也。五代杜陽。齊民部尚書。駙馬都尉。嗣錢唐侯。高祖
遼民。梁鄱陽王。常侍。曾祖仁弘。陳始興王。法曹參
軍。監陽令。祖範。隋豫章郡丞。父義宗。皇贈使持節和
州刺史。自微子封宗。以迄于恭。恭。番。食。褚。因而得姓。
迺侯迺威。或吏或儒。身不可量。已。豈岳鎮天峻。是先
人之郡國。將湖清世平。當天子之門館。靈其效矣。公
實休哉。上哲鍾懿。元和育粹。忠乎。孝乎。盡至於至。寬
得衆易有親。晦而明。微而闡。其立行也。絲白不染。不
成黼黻。砥礪不礪。不就純鈎。寢思益。居待問。功可倍。
諭可博。其立言也。始吳興沈子山。吳郡曹福。授以經。

杭縣志稿

卷二十二

一三九

次吳郡張嘉會。授之史。演至蹟。年牴牾。研至精。起廢
疾。貫心則中。達華其餘。師乃厭服。爾為宗匠。逮攝齊
膠序。揚袂河洛。罔不企獨立。以先赴。聆遠音而響從。
猶彫材之有榘杵。絳翼之有鷁鳳。下制嘉辟。用超群
等。即拜成均直講。轉右鷹揚倉曹參軍。直講如故。稍
遷成均助教。累至國子博士。朝散大夫。國子司業。崇
文館學士。常二仲。齊祀會一時髦彥。主賓難析。羣疑
應不敢夸官闕。卑不能曜旗鼓。太夫人在東也。庭闈
是思。鍾釜不遺。遂罷而就養。我聖后居震也。司過推
史。聰聰則書。復徵以侍讀。及回金輅。問辟雍。搖柄前

席有丞有祝。警羣奔以坻頽。禘連屬而河瀉。是日中賜章綬。并時服雜繒。就拜銀青光祿大夫。以昭其業。上正位。遷刻王傅。國子祭酒。轉左騎常侍。特封舒國公。實食二百戶。公雖傳天人。司國子。然而載啟載沃。百氏之言滿中禁。日尊日事。五更之禮存上庠。故珥貂寵而刑馬誓也。尋與中書令范陽張說。侍郎武功蘇頲。黃門郎趙郡李乂等。開講序於掖垣。悉上其昌言嘉謨。可體要經遠者。京都之政。起自軒墀。齊魯之風。成於寓縣。公以遭盛明而華皓不息。迺作帝師。懷喜懼而斑爛未旋。孰為人子。洒零獻替。于再于三。重

杭縣志稿

卷二十二

一三〇

論思而久駐。修切至而方遣。臨軒贈詩。盈筐將意。華晨省而偕晝。游馬居無何。太夫人即世。公禮不當毀。號而殆滅。遂于瑩兆之側。伏苦塊。埒松楸。鹿常犯之。公祝乃止。應物也。通神也。有如是乎。喪既除。驛徵至。仍舊左常侍。兼侍讀。登朝則老成布武。自屏不趨。侍講則官者平肩。必輿而進。皆別旨之非常也。上復以舊章散落。群籍湮墜。張麟令据逸文。補其缺。刪其謬。敕公於都乾元殿。麗正殿。總而成之。上帝之壁。先王之府。委墳素流。筆墨可滌。元覽而照青光。耶日者。皇太子志於學。齒於胄。演經則太師憑几。納誨則元良

降席。諭夫錯中刑外，一物三善者，禮如前。粵開元庚申，歲正月，貳生魄，景命不造，遘疾薨於長安崇仁里。之賜第，春秋七十有五，上輟朝不視，旅次而哭，遣中使潺湲以恤，故盼近臣，歔歎以追往，乃贈禮部尚書，賻物四百段，米粟四百石。小宗伯陳祭儀，亞京尹護喪事，歸則本州刺史帥屬厚加馬，僉請公進以秉德，勤而率禮，自石渠延首，金華造膝，時屬升賢良，杜讒佞，雖明慮天斷，匪獨開陳，亦謹辭日聞，寧虛聽受，若藏罟者，諗無藝，出裘者，思有惠，使輕革之說，傲嬰也。之譏，又安能是果良圖中比，則隱之微章之末，所撰儲

杭縣志稿

卷二十二

一三一

君翼善二十篇，帝王要覽二十二卷，帝王紀錄二卷，心鏡三十篇，刪正論語孝經疏各一部，每條上則留中，錫之孔殷，盈不可數，大抵以義約，以文見，俾興亡有兆，消息無傾，規乎諷乎，類乎指乎，行之則是，聞足自戒，不然，何以皇賚之，聖叶之，至於斯也。化益淳，儒益信，則郊廟有典，賓軍有容，蒞禘牲玉，斟酌犧象，必咨焉度焉，此又衆之難，公之易，薨後，群學士於書殿中，得講史記至言十二卷，即日聞之，上悼甚，重賜其家絹五百匹，試為我著常奏新篇，從取其書，竟賚遺草。悲夫，粵某年仲冬甲子，歸柩于錢唐臨平山之舊

城容軒止塗，喪服會葬者數百。顧而歎曰：公何學也？何師也？則我副君。惟君是登，皇極天子之子，是作孟侯。皆受于公矣。董則五朝典學，無同道之用。桓則三世各師，有特殊之美。曾不可援以事。舉諸凡卓哉。使後之人泛微波，攀絕迹者，我公也。太常易名曰文，宜也。長子河南澠池主簿廷詢，次左拾遺庭誨，次京兆渭南縣尉庭賓。三子之戚戚連所善，居家嗣徽，繼世承烈。則仲弓之有元及季，伯起之傳秉及賜，故遠通嘉之。吳江漫兮將海合，吳岫重兮與天沓。公是屬兮公是安，仁則返兮儉乃完。異樹行兮生也志，他石篆兮子也刊。噫不慙歟，寄之銘曰：

杭縣志稿

卷二十二

一三二

昭昭府君，生代叶期。儒有斯文，帝王者師。探幽典墳，贊道雍熙。其德弥芬，其譽益祇。訓由老成，榮以恩屢。孝友是悅，資忠是務。禹嘗獻著，光不言樹。專緒之學，啟舒之賦。六經芳兮七命章，戴頻頻兮服煌煌。無還齒兮有去光，未飾杖兮歎擁梁。宸極懷兮門人慕，悲風起兮轅馬顧。背西畦兮即東路，路阻修兮日悠悠。旌旒思兮空山秋，吾見業可久而名不朽者，猗那諸侯。猗那諸侯。

吳越民部尚書吳公約神道碑

杭州府志在臨平羅隱撰

吳越吳公約神道碑銘 羅隱撰

吳山蒼蒼吳水泱泱降生英靈為公為王以嚴師旅以奠封疆派而別者武亦鷹揚取直之功捍巢之蹟雖從本軍實展良畫踐履禁旅光揚事迹乃自西佳遷於硤石上軍東伐諸將西征賈以餘勇資乃銳兵稽山霧廓京口波清再從貂冕始拜冬卿吳會紛紜淮石奔競驅其凍餒犯我疆境躬勵精卒恭奉上命雪際松貞風中草勁元戎承制聖王酬勞大起名重司元望高優游渥澤出入官曹所謂難者全資豹韜

杭縣志稿

卷二十二

一三三

恭仰府城載崇吾國惟力是助厥功以舉雲壘千椽土攢萬杵率以資產役以軍旅乃頌異寵乃正華資大國綱紀雄藩羽儀沐間牛門杯裏蛟疑天胡可測神亦難知有碑於時有功於物一代殊勲二品清秩不謂不達何獲何失瑞馬神羊金箱玉室

十國春秋吳公約字處仁黃巢之亂杭州八都既建已而折號十三都公約其一也初負膽略為縣豪會朱直起兵應募西討以功署西桂鎮過使未幾從董昌禦黃巢於西鄙加御史中丞奏置都額改硤石為訓兵之所推鋒破銳日有聲稱武肅王

破越州公約驍果先登兵罷拜千衛將軍劉浩平錄功擢散騎常侍徐約陷蘇州王委公約專征授北面諸軍行營招討使克蘇州授義和鎮遏使兼本軍水陸都游奕使淮人侵擾公約扞禦疆域屢挫敵鋒遷工部尚書俄改刑戶二部乾寧四年卒宋詹易縣太君吳氏墓志

定鄉小識政和六年四月薛昂撰強開明正書六百八十三字清道光中定南鄉桑邨民鉏地得之少宰劉正夫墓碑

仁和縣志在皋亭山

杭縣志稿

卷二十二

一三四

明大理寺卿夏時正神道碑

乾隆府志在三峯山弘治十四年楊守陞撰

明刑部尚書洪鐘墓表

武林文獻在東穆塢蓮花山陳珂撰顧鼎書董玘

篆額嘉靖二年

明贈御史丁寧墓表

唐棲志在馬鞍山

明贈御史丁寧墓表

子丁寧撰

嗚呼我先考御史府君卒五十有四年先妣太儒人卒二十有四年矣未有表諸墓者不肖孤幸獨為朱

亡人何顏以立于天地間耶。惟我先府君以宣德乙卯贅為里之王司訓壻。王故邑之博陸人。先贅為里之唐氏壻。唐無子。實生太孺人。明年丙辰。王卒。側室子世昌。年四歲。女旃檀。年三歲。而唐王二家長老皆外族所當事者。時王頗任俠。唐亦以財雄于鄉。率環視府君所為。以為向背。府君接之禮。恭而色莊。行篤而誠。至二氏人。莫敢加焉。正統間。世昌年漸長。府君為聘。旃檀亦許嫁。姚氏太孺人謂府君曰。吾父母既不祿。二雛者幸皆有成立。吾儕可無愧矣。然毋使鄉之人議吾儕。以為不如其父母在也。府君曰。是吾志。

杭縣志稿

卷

二十二

一三五

也。故婚嫁禮有加焉。天順間。世昌欲異居。慮府君有所軒輊。將言之。官。府君迎之。謂曰。無以為也。凡皆唐氏故物。然惟汝所欲耳。於是田廬取其瘠敗者。器物取其粗窳者。而美且腴者。則推以與之。先是府君甫出贅。大父樂善。府君即捐世。至是。惟大母唐孺人在堂。府君旦暮往。問安無虛日。間謂太孺人曰。今世俗子出贅。即歸重於外氏。而於本宗之親。生不養。歿不祭。甚無謂也。於是凡遇歲時祭祀。太孺人必前夕潔為之牲。質明。府君先以其一。祭於外氏。然後以其一歸祭於家。曰。吾將以詔鄉人之為贅壻者也。始鄉人

未知教子。率為孟浪。府君首延名師於家塾。命不肖
孤等各占一經。而於四方游學之士。凡能通一藝者。
率欵留至賓館。無虛席。太孺人亦左右供饋。務以求
當府君之意。府君曰。吾將以詔鄉人之為人父者也。
成化戊子。不肖孤得與鄉試。至辛卯再往。輒不偶。而
府君已屬疾矣。又明年癸巳。卒於溪南之舊第。享年
六十有三。越四年。成化丁酉。不肖孤忝鄉薦。又十年
丁未。始第進士。明年以使事歸。拜太孺人於堂。太孺
人泣曰。恨不令而父得見汝今日也。既而不肖孤選
行人。遷御史。蒙差按貴陽。又再按南畿。皆得歸拜太

杭縣志稿 卷二十二

一三六

孺人。太孺人年七十有九。是為弘治丁巳。不肖孤三
年考滿。蒙朝廷推恩。封贈父母。於是太孺人乃身服
冠翟。府君焚教黃於隴上。太孺人又泣曰。恨不與而
父得同拜君貺也。又四年。不肖孤遷福建按察副使。
越明年癸亥。太孺人卒於溪南新第。後府君三十有
一年。享年八十有五。先是。成化丙申。府君卜葬於超
山之陰。逾十有一年。丁未。改遷於馬鞍山之西。至是
不肖孤奔走來歸。偕伯仲氏奉太孺人窆。事合窆于
府君之右。太孺人配府君。生伯兄養蒙。仲兄養正。季
弟養晦。養素。暨不肖孤。子男凡五人。女四人。皆在室。

家不肖孤痛惟我府君與我太孺人勤劬教子勞瘁萬狀而孤乃不能蚤自淬礪以卓立於二親具廢之日以永負於罔極之恩惟太孺人僅一見之又以縻於祿仕不能親侍湯藥以領屬纊之訓孤之罪天下其孰能說之嗚呼九原不可作矣然而純德懿行昭耀灼灼著人耳目固不得家喻而戶曉也至其大節謹於交際廉於取受篤於彝倫明於教化本之一家而可以推之一國行之一時而可以垂之萬世近不出庸言庸行之常而遠可以極於天下化成之妙有非恒衆人之所能企及者也不肖孤敢不圖其所有

杭縣志稿

卷二十二

一三七

不朽謹用濡淚特書刻石墓道以昭來裔云

明太學生丁之喬墓志

中華民國二十一年八月鄉民耕田得之嘉靖三十一年壬子江晚撰文徽明書并篆蓋在越山乾元觀

明太學生松坡丁公墓志篆書

明太學生松坡丁公墓志銘

嘉靖丁未十月一日松坡丁公卒厥子鄉進士以彬圖維襄事口持職方方子高績所述狀徵銘余展而誦之曰世德者若人篤行者若人固宜銘且厥考西

軒公實先考文昭公贊友。別厥子與余弟。祠部再締姻好。又與予子圻年誼彌腆。其何弗銘。按狀公諱之喬。字喬年。松坡其別號也。世居仁和。廉德鄉。後遷漳溪。曾祖祥。隱德弗耀。祖寧。封河南道監察御史。父養浩。號西軒。成化丁未進士。歷監察御史。至雲南。左布政使。祖母王。母唐。俱封孺人。公生而質弱。厥母恒葆持之。厥父取官。公隨母侍祖母家居。既冠。授室。綜理家政。雖業于庠。弗獲專志。遂應例為太學生。引恬引晦。不求仕進。處豐裕。服食恒如寒士。躬督稼穡。計泉穀。應公賦。悉守規緒。肆產日增。貲日積。遂甲於茲邑。

杭縣志稿

卷二十二

一三八

事母生養沒哀。並循禮。過生辰。輒感傷。力辭觴慶。厥父歷任閩。廣。蜀。滇。公恒以弗獲侍養為歉。每專任省。間必齋宿。恪緘。越謝。口歸。日侍左右。承顏。燕賓。或至夜分。無敢假寐。且率父志。豫卜起山。以為壽藏。越沒哀毀。襄事。復鏤木石像。事之如生。又開河道。以達墓域。別巖穴。以章墓道。楹曰永思。亭曰陟岵。以識不忘。公解兄弟。惟一姊。歸沈。口口。乏嗣。乃迎于家。祗事弗懈。時以孝友稱。嘗慕范文正公義田。圖惟式之。以主者非人而止。乃建祠堂。置口口口宗務主之。每祭撤而餼。以無忝祖宗為戒。其悖宗自逆及遠。凡存贍歿。

定暨婚嫁咸有攸資且置義塾□□宗弟子云有義
田之遺意焉念祖母黨弗克嗣守先業則捐金購復
厥塋而飾之俾時祀不替念母□□□禮疎則更與
締婚俾後罔遐遺時以睦婣稱平居言若不出口至
扶翊彜倫疊疊忘倦且論人臧否□□□得辯而不
激應變揆物曲中機宜由是義孚于鄉厥有忿爭而
質者以義斷之罔不心服矧積而能散濟人利物恒
若不及嘉靖甲子歲大祲縣令勸賑公肇發米四百
斛驗口分給民賴以濟且施藥施棺□□□疾與
斃者咸賴之修葺橋道暨運河堤而凡行旅罔不賴

杭縣志稿

卷二十二

一三九

之其諸逋負歛則弛其息甚則折其券田雖□豐稔
未嘗責其全時以任恤稱閭門雍睦對厥儼相敬若
賓迎厥子及孫以盈滿為戒曰名以德成道以功裕
蓋兢業持守以為克家之本賊獲數百指咸有執業
其偷惰弗率者亟黜之罔貸嘗建屋於東園隙地□
□戒勿啟亟呼地主昇之人有譽者謙而莫敢居
晚年讀道德經惟清靜是尚以家政昇厥子綜理聞
□植卉徜徉其間吟咏以自適悠然有遺世之意丙
午子以彬賓于南畿公聞而□曰曹執其克綬武□
□無憂矣方僕屆期頤綏純嘏胡遘疾而遽就木焉

時乃罔不盡傷。厥生于成化壬寅五月二十三日。年六十有六。配吳氏。莊靜宜家。恪勤主饋。先卒。子男一。即以彬。女六。長適太學生沈三省。次江西袁州府推官陳□方。次太學生徐一鳴。次太學生吳同憲。次唐時泰。次沈照。孫男一。守臣。太學生孫女六。長適吳大參。□□。次則予弟祠部子太學官生挺。未幾歸寧而卒。次即續之。次適李參。將子懌。次字俞。經憲子□卒。次字□。司空子光。畿曾孫男二。女一。尚幼。惟公孝友睦嫻。任恤而本之以慈厚。加之以勤儉。終之以靜逸。且教子以義方。非賢而能之乎。雖未服官政而行。

杭縣志稿

卷二十三

一四。

于家族于族。及于鄉。允有可稱者。矧厥子以登鄉薦。行將揚廷躋仕。誕膺恩命。以貢九臬。其永有譽哉。筮以壬子三月□□日辰時。定于馬鞍山之原。肆叙而銘之。以慰孝思。禮也。銘曰。奕奕世族。遙駿厥慶。頭頭岳伯。休有烈光。□□篤生。式續令緒。以引以翼。益豐德裕。且以敦行。且以慈為。靡驕靡侈。家政允釐。迺積迺施。率義不爽。以□宗姻。以洽閭黨。允矣善士。展也□□。無日不頌。子孫振振。惟子式賓。惟孫式穀。遐不永年。以綏第祿。終□□□。厥封若堂。遙昭潛懿。式是鄉邦。

賜進士出身前通議大夫工部右侍郎奉口口提督
工程養生瑞石江曉撰
前翰林院待詔將仕佐郎兼修國史長洲文徵明書
并篆蓋

姑蘇章簡甫刻

明廣西布政使許應元墓志

武林訪碑錄在青龍山隆慶丁卯侯一元撰邵樞
書張潮篆額

明副都御史陳抑庵墓表

武林文獻三世貞撰沈瑞臨篆額江鐸書萬曆九

杭縣志稿

卷二十二

一四一

年在荆山

明新喻主簿郁一元及孺人張氏墓表

武林文獻萬曆四十三年張瀚撰在皋亭山

明張烈婦佩蘭碑銘

唐樓志卓人月撰

宗松源禪師塔銘

武陵文獻在北高峰嘉泰二年陸游撰

明金宗禪師涅槃碑

唐樓志萬曆二年邵亨夫撰

明馮夢楨東暉禪師塔記見西谿梵隱志

禪師號東暉。諱明曉。仁和孫氏胤也。髫年孤撫於叔氏。洎壯。從叔屠豕。年二十。忽聞果報之論。遂誓不願為。啟叔氏。且願出家。不可。師涕泣懇之。已而許。決於筮。乃成師志。桃源嶺有蜀僧圓澄。尸居草庵。夢神告以佳子弟當至。明旦。師果至。而報焉。手為剃落。授毘尼。與警策。日執役。夜力參。寒暑靡間。值有省發。乃訪知識。留括蒼牛鼻洞。久之。緇素嚮風者籍籍。亡何。澄公遛謝。師歸以嗣。後應金氏良臣請。築圓通庵。倡道。其中五十人。真誠感向。無善不興。張尚書元洲公。延建靈隱大殿。工竣歸。間居三表菴。以萬曆己丑仲冬。

杭縣志稿

卷

二十三

一四二

三日。無疾而化。年七十有六。僧臘五十二。

釋真一自製塔銘

余家無山水之鄉。性有山水之趣耳。醉西湖之名。星赴之。未見湖。病七日。發死。曰。寧扶我死湖中。無庸棺也。纔見湖。病幾去半。入湖數武。頓忘其病。并忘其身。如熱病人食宣州梨。忽身心快然。嗣後往還三十餘年。不厭余家貧。不曾讀書。聞人誦文字。便知好醜。如重睡人聞聲。即醒入講席。多棄去。讀禪宗書。多喜。余生於窮鄉。未嘗與縉紳先生交。遇縉紳。雖不覩之。亦不作謫曲酸澁狀。與之談。少逢迎之語。反多契余。甚。

輕金喜作有為事於事不甚諳不諳多舛亦不怨不
嗔無奈何輒棄去尤喜塑佛像刻方冊經雖勞苦多
逆緣亦不憚也余性多躁輕意怒罵人生卒惟卓左
車知余罵而復合餘不知余性多傲鄉先生或初濃
後淡獨黃寓庸自傲又喜余之傲遂定為生死交一時
負大名善知識法師雖先輩亦不稱門下士其門下
多生毀謗余亦任之無顧忌之意遇江湖破衲僧則
視若蝼蛄坐談無倦或解衣衣之推食食之見貧病
人悵然悲愍有求即應余喜種梅竹躬傭作晚年以
賣筍賣梅賣茶賣柴賣經終其身崇禎己巳孟秋既

杭縣志稿

卷二十二

一四三

望忽作寒熱知幻軀不久述其生平曰自製塔銘
清徐繼恩新伊法師壙志

師諱大真號新伊杭郡周氏子父母皆先後修梵行
師在襁褓即知佛號兒時聚沙為塔能趺坐蓋宿習
云九歲依紹覺覺故蓮池弟子結庵土橋曰蓮居講
席甚盛師依止之親執勞役灌汲樵爨不得息獨默
識經義暫聞輒弗忘頗有神解一日覺坐文室與客
推密部師從壁間聽受良久炊飯竟作糜已忘之矣
客去覺問狀師懼且竊喜以實對乃更從客進論陳
說未發覺大契知師固慧才也十五受沙彌二十八

雲樓受具戒。自是博窺三藏。參證諸宗。踞師座說法。擔荷道風。人天瞻仰矣。顧烟撲無文。與人言。訥訥如不出口。偃倭循牆。恐踰越尺寸。尤精戒律。內外如一。每登壇秉戒。千人駢集。師穆然靜遇。望者意消。及開說。而詞志懇懇。使人汗蒸沾衣。非辟自遠。師殆以身教哉。居恒禮懺。或修觀。歷寒暑晝夜。以為常。暇則搜繹舊聞。手披閱。有論著。著唯識論合響若干卷。行世。凡三易稿。垂老不休焉。師優閑淡止。所居不踰十步。瞑目返聞。自適己意。與物臨對。無遽色。疾言。瞬覆之餘。紛紜盡釋。未嘗厲情鎮之。而超然深永矣。庚寅秋。

杭縣志稿

卷二十二

一四四

微疾。以七月二十五日。沐浴易衣。結跏坐。持珠喃喃不絕。須臾化去。玉筋垂尺許。蓋前此七日。名門人輩示以期。至有優婆夷夢天樂繚繞。導師西去云。自萬曆庚辰十月十七師始生。壽七十一。僧臘五十二。在蓮居日多。構直指大悲堂。往來桐江吳門。講法從游甚衆。後得本金鉏。即今募塔奉師瘞者也。塔在法華山石人塢。盡未來際。當勿壞。系以銘曰。師永劫不生滅。任去來。無法說。

清徐自洙伯亭大師塔誌銘

師初名續法。更名成法。伯亭其字。灌頂其號也。仁和

亭溪人俗姓沈銘曰早失怙恃九歲禮慈雲祖源為師十六薙染十七圓戒二十參乳源德水法師聽講楞嚴宿慧駭發洞徹微旨嘗論天台賢首之異同乳峯曉以雲棲之說言下大悟遂走嚮精研四分律開講於慈雲兩修大殿重建聖果仁壽諸梵寺康熙二十八年主上天竺聖祖仁皇帝南巡幸寺賜賚優渥重修毘盧殿閱十載退歸仁壽歲辛丑上竺災當事縉紳延師重主興建經營布置規模畧成雍正六年四月朔日說偈辭衆合掌跌坐西向而逝世壽八十八僧臘七十九葬法華山之陽

杭縣志稿

卷二十二

一四五

清邵宗元繼室徐儒人家傳

右塘樓西小河歸宅乾隆間梁同書撰并書碑已斷小楷大半漫漶有孺人姓徐氏德清少宗伯蘋村公曾孫女仁和常山教諭邵鶴田口口婦文學邵宗元字端貽之繼室等句尚可讀

清國子監助教宗君家傳

儀徵阮元撰梁同書書吳讓之重摹上石

宗君名大樽字左彝號茗香先世自河南來居仁和之塘西祖載陽父樹年以君貴贈如官君惟孝友喜讀書年二十母陳太恭人疾到股以進比長精推步兼三式之學彈琴作畫靡不精妙年二十九入京師

充四庫館謄錄。丁酉順天鄉試中式。以館期滿議叙。府倅君不耐吏治。請改國子監助教。未及補。丁外艱。歸服闋。起補誠心堂助教。甫一年。即陳情乞歸養。時為陳太恭人知。將止之。都中友人亦多留之者。君慨然曰。古人一日養。不以三公易。其可勸乎。遂促裝歸。逮陳太恭人卒。君亦歿。四方之志矣。其生平善行。如建義學。為粥食餓者。皆人所共見。而隱德不與焉。暇復徧游天台雁蕩黃山諸勝。詩格益蒼。大致宗太白。而樂府古辭。力追漢魏。嘗自定其稿曰。傳者不在多也。尤好獎掖寒士。而時與俗迥。故俗人見輒避去。嘉

杭縣志稿

卷二十二

一四六

慶九年甲子四月五日。無疾卒於西湖寓舍。年五十有九。子二。長咸熙。縉雲縣訓導。通經術。次時熙。杭州府學生員。所著有學古集四卷。牧牛村舍外集若干卷。讀我書塾課本略八卷。方言補正十二卷。茗香詩論一卷。校定爾雅新義二十卷。

論曰。昔陽城為司業。引諸生告之曰。凡學者所以學為忠與孝也。諸生有久不省親者乎。明日謁城還。養者二十輩。其後弟子何蕃入太學。歲率一歸。父母止之間。一歲一歸。然終閔親之老。歸養於和州。諸生不能止。由是觀之。養者人子所不能自己。而亦古今之

所難也。若宗君者，其自處豈異於蕃歟？人又言君喜任世事，其經濟雖不克見於有施，昌黎所謂磨之水，其為澤不為川乎？若君者，又殆所稱積者多而施者不遐也。

傳為先王父小茗請謨於文達，請書於學士。泐諸家祠，以昭來許。垂五十年，丁太平軍之亂，竟付劫灰。吁，足惋矣。洎今拓本流傳，大都散失。寒家幸存其一，初為我嗣考叔平公所藏。嗣考即世，先考季真公寶之，傳之印金。竊思所以垂久遠者，宜仍壽之石。適遇金匱吳君讓之來滬上，爰請其重摹上。

杭縣志稿

卷二十二

一四七

石復還，蓋觀度世世子孫於先曾王父茗香公之嘉言懿行，永誌弗諼。而文達之文學士之書，亦足以徵文考獻云尔。宣統三年仲春之月，曾孫印金謹跋。

唐沈岫定山題名

在雲泉山水洞。吳興沈岫口元二年正月卅日題。正書，左行三行。首行岫字下缺，次三行各四字，字徑一寸。考唐年號繫元字者，高宗上元、玄宗開元、肅宗乾元、德宗興元、貞元，則此書在元和諸題名前。

李幼清題名

在雲泉山水洞。睦州刺史李幼清。元和元年十一月廿九日。題二行。行九字。兩浙金石志。正書。徑一寸。

武儒衡題名

在雲泉山水洞。攝部園練。□□前國子監四門助教武儒衡。元和二年二月廿日。題。正書。左行。五行。李夷簡題名。

在李幼清題名右。正書。兩行。首行。饒州刺史李夷簡。下缺。次行。游。元和二年四月十二日。赴。下缺。字。

杭縣志稿

卷二十二

一四八

大者二寸餘。小者僅四分之一。

鄭敦禮題名

在雲泉山水洞。殿中侍御史。內供奉鄭敦禮。元和二年五月七日。赴新定。□□。正書。左行。首行。六字。次行。五字。三行。八字。末行。定字。下缺。大者。徑二寸。小者。四分之一。

盧鎮等題名

在雲泉山水洞。范陽盧鎮。元和四年十月廿五日。時。鎮攝富陽令。鄭暉。裴損。後到。正書。四行。首行。七字。次行。九字。三行。七字。末行。二字。大者。徑二寸。惟

月日字差小

李口舉等題名

在雲泉山水洞正書三行凡二十一字監察御史李口舉杭州刺史曹全口試大理司直王口無年月所稱官秩皆唐制定為唐刻兩浙金石志字徑一寸五分以上均見定鄉小識

宋許道孚定山題名

在雲泉山水洞內景祐四年口月二十九日吳門許道孚正書左行分三行斜書首行七字次行五字末行三字書法秀峻如虞永興

杭縣志稿

卷二十二

一四九

方翁題名

在雲泉山水澗左右屋方翁題名祠中六字正書左行大徑二寸許方翁為蘇舜元字蘇別於洞中題名故標識於外然洞中之題無可覓矣西湖志千佛頭有方翁題名云皇祐元年此刻當亦其時所作

蘇文忠題名

在雲泉山水洞上石屋蘇軾子瞻四字正書年譜熙寧七年通判杭州正月游風水洞題名應即此時

定鄉小識舊在曇山今已不可覓想為斷石者所損矣梁安世宣卒人次山爵里無攷即當時築園亭於曇山者也

清虛洞天四大字

定鄉小識在曇山仙人洞內四字篆書大徑尺許紹熙三年夏五月癸巳刊十字一行正書不著名想為鄭次山輩所為 武林石刻記縱三尺四寸橫九寸

朱文公題曇山詩

定鄉小識在曇山棋坪石南側石壁凡二十字正

杭縣志稿

卷二十二

一五二

書左行二行行十字詩云頽然見茲山一一皆天作信手銘巖壙所願君勿鑿錢塘縣志以下二句為起句未知詩字左行也

朱文公重游題名

兩浙金石志紹熙甲寅閏十月癸未朱仲晦父南歸重游鄭君次山園亭周覽巖壑之勝裴回久之林樾之余方叔朱耀卿吳定之趙誠父王伯紀陳秀彥李良仲喻可中俱來凡六十二字摩崖行書十六行字徑二寸

定鄉小識在曇山仙人洞側正書左行共十六行

行四字末行二字縱一尺四寸橫四尺四寸甲寅
為紹熙五年寧宗初立文公除煥章閣待制閏十
月十九日面對韓侂胄去寓居西湖靈芝寺癸未
乃是月二十六日南歸蓋歸閩也

雲泉靈洞四大字

定鄉小識在雲泉山風洞下大石壁篆書分二行
行二字大徑丈許款字皇祐庚寅元居中篆院僧
中信命蔡才院僧口立十九字一行正書兩浙金
石志字徑三尺

祖無擇等題名

杭縣志稿

卷二十三

一五三

定鄉小識在雲泉山風洞下石壁祖無擇沈振元
居中張先熙寧己酉孟秋晦日偕游篆書五行行
四字大徑八寸武林石刻記縱橫三尺三寸八
分書

周之祥等題名

定鄉小識在雲泉山風洞下元祐癸酉八月二十
一日周之祥履中何志同彥時黃策子虛來游正
書左行分四行首行八字次行七字三行六字末
行五字兩浙金石志字徑二寸餘

蘇文忠佛日題名

咸淳志東坡題名祖志入山之十三日述古赴南
都率景山達原子中子瞻會別於此熙寧七年八
月十三日三十五字

范成大跋右文忠倅杭時送客至佛日山寺壁間
所題余年十五往來山中常與舉上人游居其下
後三十九年舉欲白縣公勒之石余亦自蜀道東

歸因勸成之淳熙丁酉嘉平月吳郡范成大書

案舉

上人名慧舉字舉直姓朱氏頗能詩見周必大南歸錄

周必大跋佛日淨慧寺

在桐扣黃鶴峯下寺中有池池有澀注泉東坡先
生嘗賦五絕句所謂細泉幽咽走金沙者堂上留

杭縣志稿

卷二十二

一五四

題今既百年而詩僧慧舉乃謀入石可謂好事矣
桐扣以張華得名俗云桐口非也淳熙五年正月
九日東里周必大書

韓元象跋元象備數知仁和之三月以公事過臨
平聞桐扣佛日寺有東坡先生留題肩輿往觀焉
字在法堂東壁蓋熙寧七年先生倅杭日太守陳
公自杭守來先生與諸公會別於寺所題也先生
其年三十九歲熙寧甲寅距今淳熙戊戌又百有
五年堂宇日壞壁且摧剝字將闕蝕可為歎惜因
命工摹勒而移之石庶幾可以永其傳云淳熙五

年三月十日奉議郎知仁和縣事、潁川韓元象題。張子履鄒志完陳瑩中等佛日題名。

咸淳志在相和佛日寺。紹聖丙子二月五日。峴子履志完瑩中明遠坦然。瞻禮懷禪師塔時。赴南昌郡三十三字。淳祐己酉。知縣李從命寺僧。模以入石。跋云。物境之勝。因人而无。勝如東西二林。得平原公。上下兩竺。得眉山老。皆與佳客同游。復親題名字於碑巖之上。好事撫拓。以為雅玩焉。是邑佛日精舍。有紹聖三年張子履所題版壁。逮今猶存。同與游者。鄒道卿陳了翁趙明遠輩。若夫

杭縣志稿 卷二十二

一五五

鄒陳之賢。眠前二公。何慊哉。主僧本倅。指以事。予因浼壽諸石。子履名綬。是年以朝奉大夫帥鐘陵。明遠名士陳。嘗以清遠軍留後知南外宗正。有詞集行世。坦然則未詳為何人。所缺三字。峴字之上。必去字爾。

翼拱之臨平細礪洞題名

臨平記在洞中。翼拱之凌晨游此。時康定元年四月八日。又洞西南有竇絨二字。無年月可考。亦不解其意義。

明祈年二字

康熙仁和志細礪洞俗名旱洞萬曆間太學生郭紹孔刻祈年二字於其上臨平記即紹孔鑄祈年二字於洞上為里人每四月八日於此洞占歲之豐歉也

宋天宮寶藏四字

臨平記補遺周必大南歸錄佛日輪藏刻天宮寶藏四字相傳元祐四年東坡出京師時所書

海雲洞三字

唐棲志在越山摩崖正書大徑尺許郡守趙清獻書又對面行書卧龍淵三大字無款識年月

杭縣志稿

卷二十二

一五六

案海雲洞三字下疑有二十八字中大夫試尚書兵部侍郎兼同修國史實錄院同修撰樞密都承旨趙書趙字下空一格不題名宋史趙清獻擢參知政事乞去位拜資政殿學士知杭州改青州以大學士知成都乞歸知越州復徙杭州以太子少保致仕與此異疑非清獻也

元山舟二字

臨平記在臨平山冰谷泉亭上貫雲石書

明洛山石刻

萬曆府志洛山石壁有倪乾錫銘於上云洛山之

顛有仙居焉。烟飛丹竈煉石補天。又曰洛山聯壁。崑崙來脈造化毓成擎天柱石。共三十二字。不著時代。

案此見萬曆志。故列於明代。

安平泉三字

臨平記在安隱寺。萬曆間太學生郎紹孔鐫安平泉三大字。

宋東坡墨竹賦

錢塘縣志下層刻畫竹。上層刻墨竹賦。在皋亭山崇恩院。

杭縣志稿卷二十二

一五七

明刻趙清獻詩

唐樓志在海雲洞。嘉靖中丁之喬摩崖刻趙清獻海雲洞詩。後附丁養浩次韻詩。又丁之喬沈望雲二詩。

清彭剛直梅花詩

在超山大明堂。彭玉麟超山梅花詩。駒光底事暗催人。六十年過又七春。且向禪林參妙喜。漫呼明月問前因。江湖未醒夢中夢。天地空留身外身。德薄幸能修到此。萬梅花裏過生辰。曲園居士俞樾書。光緒二十四年秋。

民國二十二年二月大明堂為盜焚石燬拓本存
明摹刻吳道子畫觀音像

唐樓志在越山大明堂正統十年乙丑夏四月前
道士盱江章文照跋云吾南城邑大夫武林邵侯
孟津輝治政之餘願謂予曰往歲歷政部司掣家
京師嘗切慕觀音大士多獲靈感既再調茲邑間
過天寧禪寺伏覩石刻觀音像乃唐道子筆極為
精妙神氣儼然真如普陀落迦山示現之身遂用
印打一幅裝潢偕室人宋氏日加禮敬既又捐俸
購一堅珉命工摹刻願同四方善信瞻禮永遠流

杭縣志稿

卷二十二

一五八

傳用答鴻麻幸為記之予不敢辭遂書之以紀歲
月云

碑陰刻清康熙三十五年仁和知縣張禁入山抽
稅告示

聖帝像

武林訪碑錄在小和山萬曆丙戌都鐘摹

金文

宗福王銅印

臨平記再續民國二十三年甲戌夏旱塘棲農人於福王莊基洗馬池中掘泉獲此當為福王遺物文曰祥符開國以宗三司布帛尺度之一寸七分正方篆文稠疊猶存宋官印體制今歸姚氏景瀛家

明慈嚴寺銅鐘

定鄉小識在慈嚴寺正統十二年山陰清化山寶嚴寺比丘惠璣募鑄四面正書字徑五分按款識

杭縣志稿

卷二十二

一五九

乃越中物重大非可肩挈何遂得至慈嚴殊莫能測豈惠璣初本越僧後嗣法慈嚴猶蒙初號耶今以在慈嚴久錄諸下闕

慈嚴寺銅照

定鄉小識在慈嚴寺文曰慈嚴寺住持僧宗智檀越鄭彦章大明成化二年冬月吉日三行正書字徑寸

西渡庵銅鐘

在東江渚西渡庵見定鄉小識

慈嚴寺鐵磬

萬曆三十三年
在靈山新廟

年鑄銘文正書十六行字
不知何時移入

大湖廟鐵鼎

在大湖廟信

士張崇男張盛張慨孫兆

熊供立萬年

烟火祈保一境榮昌吉祥

天啟丙寅年

正書十三行字徑五分

大湖廟鐵燭臺

在大湖廟信

士張斯文弟口口母鄭氏

繆氏姪口口

耀光煜光口口正書五行

口口口口正

書兩行

杭縣志稿

卷二十三

一六〇

大湖廟鐵瓶

在大湖廟信

士張口口口口口口配

口口口口口

正書五行字徑五分

靈山鐵鼎

在靈山新廟

杭州府錢塘縣安吉鄉口口

信士口應全

口口口口祈保口口吉慶

福有所歸家

口口口口口口口口口

口口正書十

四行自鐵燭臺及此年月

明物也

以上均定鄉

小識

安隱寺鐘

在臨平安隱寺志萬曆二十二年閏九月鑄沈謙
鑄鐘詞安平寺前人如林洪鐘高峙青山岑百夫
併力大風急江潮夜吼蒼龍吟須臾大舉若鳴鼓
銅精上結為白虎山亭靄靄紫霧橫沙樹蕭蕭綠
雲吐扶鑪液走如長虹魯般公輸用力同靈芝大
鶴炫奇色嵒危驚覩燕支紅丹梯巖葉凌飛閣輓
轡千盤鳴鐵索一聲盡識江南曉落日疏星噪寒
鵲

清海塘鐵牛

杭縣志稿

卷二十二

一六一

海塘通志雍正八年乾隆五年四十九年三次鑄
造鐵牛共十五座每重三千斤名鎮海塘鐵牛有
六座安置范公塘一帶餘皆在海寧境海昌叢載
云鐵牛背有銘曰惟金剋木蛟龍藏惟土制水龜
蛟降鐵犀作鎮奠寧塘永慶安瀾報聖皇錢氏泰
吉游尖山記云鐵牛背又有監造官博士鳳六字
案范公塘一帶杭縣境也歷劫之後海寧尚存四
座在杭縣者不知猶有存否俟考

民國

宋梅亭記 十二年癸亥十二月烏程周慶雲撰書在超山二十二年春報慈寺火燬其子周口

刻重

重修奉口斗門記 二十二年十二月童第德撰

錢塘沈六姑墓表 在西溪花塢口六姑殉洪楊難二

杭縣志稿 卷二十二 一六二

周夢坡慶雲宗梅亭記

超山在仁和縣東北六十里。距唐樓六七里而遙。唐樓志載山中多梅花。中無樺樹。有南宋古梅花時。游人極盛。又載報慈寺即大明堂。有古梅百本。皆宋時所植。寺有三友居。心齋。香海樓。諸勝。予心嚮往之。以人事歷碌。未暇蠟屐也。今年正月下浣。予作虎林之游。姚子虞琴約探梅山中。出候官林。琴南畫超山梅花記為先路之導。更約汪子惕予。王子綬珊。錢子治香。戴酒往游。至唐樓宿焉。詰朝。則挈小舟。緣樓溪行。灘淺水清。游魚可數。約二三里。沿岸皆梅。移時見小

橋。遂維舟登。坐筍輿。達山麓。峯迴路轉。使得報慈古寺。有樓翼然。即香雪海是也。樓前環植老梅數十本。中有一樹橫斜。交枝垂地。支以石柱。幹裂一孔。皮類龍鱗。落花斑駁。幻作青綠。寺僧指點告曰。此宗梅也。餘樹亦皆老幹。紛披相傳。明代分本色。暈淺絳瓣。或六出。非他卉所有。徘徊花下。不勝望古遙集之思。因語同游。擬構亭其旁。乞安吉吳缶廬繪宗梅小影。勒石紀之。以張韻事。僉曰善。既出寺。則山南山北二十里。彌望皆梅。恍置身象香國中。倘雪月之夜。携尊酒。坐花下。定有緜袂仙人下降也。夫梅之見諸篇什者。

若孤山若羅浮若鄧尉騷人墨客詠之夙矣羅浮吾不敢知鄧尉香雪不過數里孤山無論矣况萬花之中賸此冰雪之姿野火不能摧風霜不能蝕殆以是見天地之心乎予自辛亥因變散髮扁舟俯仰局脊抑鬱誰語今撫是梅滄桑萬感逆集於中烏能自己亭之成也湯子綬珊寶助焉因撮其大畧為之記時癸亥十二月烏程周慶雲

又記並刻聯句於石柱聯云與孤嶼萼綠花同聯眷屬賸越山冬青樹共閱興亡

癸亥仲春偕湯子綬珊遊越山訪宋代老梅議建

杭縣志稿—卷二十二

一六四

亭以張之令落成即以宋梅名其亭虬枝有靈得毋嗟為多事乎是歲長至日夢坡居士識

重修杭縣奉口斗門記

鄧童第德撰 金華王廷揚書 黃巖俞長霖篆額

苕溪水自餘杭來橫貫縣之西北境四十里經德清吳興二縣蜿蜒以入太湖水所從來者高入縣境乃行平地易橫溢為敗居民往往築塘捍之所謂西險大塘也塘置斗門歲以時啟閉灌溉農田如是者七十有二而奉口斗門為最大永嘉葉君嘯谷來長縣巡視其地曰此工不治逾四十年不幸而潰決水南泛省治武林門民其魚矣飭匠估計需白銀萬八千

請於有司得八千金不足以縣賦六千益之又不足
募之於民以令歲三月興工或曰桃花水且至盍少
待君曰吾非不知此然前工旦暮傾圮即無蓄猶虞
不保奈何視其敗而不先為之所乎乃排衆議行之
未幾水果大至君冒雨立堤上督民囊土塞決口與
水爭命於頃刻之間水竟不得逞閱九月功成堅緻
牢固觀者皆太息以為足支數百年也始君嘗興修
永泰慶山六十六鄉濱水圩堤六萬六千三百六十
三文至是又成斗門工尤鉅諸父老屬余為之記余
頃者方佐君共治縣之財政習聞君之行誼君勤於

理民常出入田里教民育蠶植棉如是則可以致富
不如是則否推其已驗者行之民悅而化以為賢侯
不我欺也治盜嚴誅其魁首宥其脅從盜不敢發發
輒捕得如神值歲蝗晨夜率農夫撲殺之凡殺蝗若
千萬斤書史所載古循吏之撫養百姓者皆勉力行
之勿怠他日者政成民和縣之人方將尸祝君於浮
屠老子之宮以永君於不朽今茲之役特其設施之
一端耳亦足以觀君之政矣

是役也浙江水利局科長王鏡清杭縣建設科長賴
法元工程技術員項亨區長華玉堂縣人士汪瀾勞

動餘沈心田、樂伯翎、姚福昌、姚濟人、勞篤祐、姚同有、吳鼎、俞友梅、馬波、孫郭寶泉、金應秋、沈瑞田、童如聖、張兆億、王有財、宗鶴齡、王茂財、莫學勤、李子卿、王輔卿、馬標華、莫名欽、曹蓮溪、施慶南、唐萬年、俞良記、馬佳林、丁連所、沈秉欽、顧舜年、梁元淳、傅芸軒、龐鈺鉞、沈嘉宗、陳繼甫，皆共其勞，例得附書。

中華民國二十二年十二月 吳縣劉鈞良仲全錄

錢塘沈六姑墓表

共和紀元二十二年，距洪楊軍之攻陷杭城七十四

杭縣志稿

卷二十二

一六六

年，錢塘舊史氏孫智敏，因邊君華桐之言，得聞西谿沈六姑之貞孝及其死難之烈，惜其湮沒，爰表其墓，以慰泉壤，亦區明風烈之義焉。姑姓沈，世居錢唐西谿龍駒塢，姑母目盲，寢饋櫛緝，惟姑是賴。姑矢志守貞，奉母，洪楊軍入浙，所在剽掠，姑負母避深山，洪楊軍復搜得之，覷姑年少，逼之，姑力拒，與之搏，遂被刃，而全其身。嗚呼！世之敝也，名教既衰，不聞風烈士行，且墜，遑論婦女貞孝烈行如姑，而其名不彰，司風教者之責，亦文人學士之羞也。夫洪楊一役之死難者，前哲亦極意搜訪，旌揚如例，讀杭女表微錄，錢塘烈

女載沈六姑而不舉其事蹟或者別為一人今邊君
華桐娶於沈姑之侄孫婿也知其事甚悉并謁其墓
遂命工采石立于墓前表潛德藜幽光亦以勵俗信
而有徵矣姑之墓在西谿花塢口與父母合葬焉歲
在昭陽作噩仲春之月前翰林院編修孫智敏書

